

Na osnovu člana 8. tačka d) i člana 26. stav (1) Zakona o javnim preduzećima u FBiH ( „Službene novine Federacije BiH“, br.8/05,81/08,22,09 i 109/12, člana 8. Zakona o vladinim, ministarskim i drugim imenovanjima ( Službene novine Federacije BiH“, br.12/03,34/03 i 65/13), člana 16. stav (1) tačka l) Statuta JKP „Vodovod i kanalizacija“ d.o.o.Gornji Vakuf-Uskoplje, br.58/22 od dana 05.05.2022.godine i Odluke Nazornog odbora JKP „VIK“ d.o.o. Gornji Vakuf-Uskoplje, br.189/23, Nadzorni odbor JKP „VIK“ d.o.o. Gornji Vakuf-Uskoplje, raspisuje

**JAVNI KONKURS  
ZA IZBOR I IMENOVANJA ČLANOVA ODBORA ZA REVIZIJU JKP „VIK“ D.O.O.  
GORNJI VAKUF-USKOPLJE**

**I Predmet javnog konkursa**

Raspisuje se javni konkurs za izbor i imenovanje tri člana Odbora za reviziju JKP „VIK“ d.o.o. Gornji Vakuf-Uskoplje.

**II Opis pozicije**

Odbor za reviziju je nadležan da:

- bira predsjednika Odbora za reviziju;
- imenuje vanjskog revizora;
- razmotriti godišnju strategiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način razmotrena i korigovana;
- osigurati da interne kontrole u preduzeću budu adekvatne i da funkcionišu na predviđeni način,
- izvrši reviziju polugodišnjeg i godišnjeg obračuna i istovremeno kontrolu usklađenosti poslovanja Preduzeća i funkcionisanja organa Preduzeća sa Zakonom o privrednim društvima i Zakonom o javnim preduzećima, drugim relevantnim propisima i osnovnim principima korporativnog upravljanja i o tome dostaviti izvještaj Skupštini i Nadzornom odboru najkasnije u roku od osam dana po okončanju revizije;
- osigurati da interne kontrole u Društvu budu adekvatne i da funkcionišu na predviđeni način;
- donosi Poslovnik o radu Odbora za reviziju;
- sudjeluje u izradi etičkog kodeksa;
- razmatra izvještaj eksternog revizora i očituje se o datom mišljenju i eventualnim preporukama, te očitovanje upućuje Upravi, Nadzornom odboru i Skupštini;
- daje mišljenje na prijedlog Uprave o načinu raspodjele dobiti odnosno pokriva gubitka Nadzornom odboru;
- daje mišljenje Nadzornom odboru o finansijskim izvještajima na polugodišnjem i godišnjem nivou;
- daje preporuke Upravi o uočenim nepravilnostima;
- član odbora za reviziju ovlašten je zahtjevati sazivanje sjednice Skupštine i Nadzornog odbora kada smatra da su ugroženi interesi Društva ili utvrdi nepravilnosti u radu predsjednika ili članova Nadzornog odbora, direktora ili članova uprave;
- podnosi Skupštini izvještaj o radu;
- obavlja i druge poslove u skladu sa zakonom, Statutom i Poslovnikom.

### **III Mandat**

Članove Odbora za reviziju na prijedlog Nadzornog odbora, koji postupa kao komisija, imenuje Skupština Preduzeća na period od četiri godine. Izbor i predlaganje kandidata za članove Odbora za reviziju vrši Nadzorni odbor na osnovu javnog konkursa većinom glasova svojih članova. Imenovani članovi će na konstituirajućoj sjednici donijeti odluku o imenovanju predsjednika Odbora za reviziju iz svog članstva. Predsjedniku i članovima odbora za reviziju za rad pripada novčana naknada.

### **IV Uslovi za pozicije:**

Kandidati moraju ispunjavati opće i posebne uslove:

#### **a) Opći uslovi:**

Za člana Odbora za reviziju može biti imenovan kandidat koji ispunjava slijedeće opće uslove:

- 1) da je državljanin Bosne i Hercegovine;
- 2) da je stariji od 18 godina i da nije stariji od 65 godina na dan imenovanja;
- 3) da nije osuđivan za krivično djelo i za privredni prestup nespojiv s dužnošću u Odboru za reviziju pet godina od dana pravomoćne presude isključujući vrijeme zatvorske kazne prije dana objavljivanja upražnjene pozicije i da mu presudom suda nije zabranjeno obavljanje aktivnosti iz nadležnosti Odbora za reviziju u koji se kandiduje;
- 4) da se protiv kandidata ne vodi krivični postupak;
- 5) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije;
- 6) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti u Bosni i Hercegovini („Službeni Glasnik BiH“ 13/02, 16/02, 14/03, 12/04, 63/08, 18/12, 87/13 i 41/16);
- 7) da se na njega ne odnosi član IX Ustava Bosne i Hercegovine;
- 8) da ne vrši funkciju u političkoj stranci;
- 9) da nije predsjednik ili član Skupštine, Nadzornog odbora ili Uprave u preduzeću u kojem se kandiduje, kao ni zaposlenik preduzeća, te da nema direktni ili indirektni finansijski interes u preduzeću;
- 10) da ne postoje druge zakonske smetnje za obavljanje funkcije člana Odbora za reviziju.

#### **b) Posebni uslovi:**

- 1) da ima visoku stručnu spremu ekonomskog ili pravnog smjera;
- 2) da ima najmanje tri godine radnog iskustva na poslovima u struci nakon sticanja visoke stručne spreme;
- 3) da posjeduje sposobnost za savjesno, odlučno i odgovorno obavljanje povjerene funkcije.

### **V Potrebni dokumenti:**

1. biografija s adresom i kontakt telefonom;
2. uvjerenje o državljanstvu;
3. izvod iz matične knjige rođenih;
4. diploma o stečenoj stručnoj spremi (ovjerena kopija);
5. uvjerenja da nije osuđivan za krivično djelo i privredni prijestup od nadležnog općinskog suda (ne starije od šest mjeseci);
6. uvjerenje da se protiv kandidata ne vodi krivični postupak;

7. potpisane izjave kandidata i ovjerene od strane općine ili notara da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja javnog konkursa;
8. potpisane izjave kandidata i ovjerene od strane općine ili notara da ispunjava uslove propisane Zakonom o sukobu interesa u institucijama vlasti u Bosni i Hercegovini;
9. potpisane izjave kandidata i ovjerene od strane općine ili notara da se na njega ne odnosi član IX Ustava Bosne i Hercegovine;
10. potpisane izjave kandidata i ovjerene od strane općine ili notara da ne vrši funkciju u političkoj stranci;
11. potpisane izjave kandidata i ovjerene od strane općine ili notara da nije predsjednik ili član Skupštine, Nadzornog odbora ili Uprave u preduzeću u kojem se kandiduje, kao ni zaposlenik preduzeća, te da nema direktni ili indirektni finansijski interes u preduzeću;
12. potvrda/e o radnom iskustvu kojima se nedvosmisleno dokazuje radno iskustvo u struci nakon sticanja visoke stručne spreme.

Kandidati koji uđu u uži izbor biti će pozvani na intervju u roku od 10 dana od dana isteka roka za podnošenje prijava.

Prijave kandidata s kojima se ne stupi u kontakt u roku od 10 dana od dana isteka roka za podnošenje prijava neće se uzimati u razmatranje u daljem postupku izbora.

Komisija zadržava pravo provjere svih podataka, izjava i drugih dokumenata kandidata. Konkurs za podnošenje prijava ostaje otvoren 15 dana od dana objavljivanja u „Službenim novinama FBiH“, a isti će se objaviti i u dnevnom listu „Dnevni list“ i na web stranici JKP „VIK“ d.o.o. Gornji Vakuf-Uskoplje.

Prijavu s traženom dokumentacijom dostaviti lično ili preporučenom poštom na adresu: JKP „Vodovod i kanalizacija“ d.o.o., ulica Mehmed bega Stočanina bb Gornji Vakuf-Uskoplje, s naznakom PRIJAVA NA JAVNI KONKURS ZA IZBOR I IMENOVANJE ČLANOVA ODBORA ZA REVIZIJU – NE OTVARATI –

Broj: 02 /24

Gornji Vakuf-Uskoplje, 03.01.2024. godine

Predsjednik  
Nadzornog odbora  
JKP „VIK“ d.o.o.



*[Signature]*  
Džejran Hadžiahmetović